

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

漢魏六朝百三家集

梁

第七十八冊

陸太常  
劉戶曹

1.78







國太常集

國太常集

卷之四

七



陸太常集



陸太常集題詞

陸佐公爲任樂安小友聲譽日進因  
作感知已賦投贈序懷後奉命出淮  
泗以詩代書寄京邑僚友劉兄殷弟  
諸子戚戚濯然于李郭同舟潘夏方  
駕余每讀之未嘗不重其篤友生厚



朋亞也漏刻石闕二銘見美高祖勅  
稱佳作昭明宴闌思舊詩云佐公持  
文介才學罕爲儔旣没元帝爲其墓  
銘曰詞鋒颯豎逸氣雲浮一人之身  
榮知三王亦云遇矣南國興運敦尚  
詩書梁武起自文人尤勤氣類曲水



清漳同遊並唱當時作者但患無才  
爾長卿凌雲孟陽劒閣宜多慕哉陸  
集二十卷不能盡見茲所輯錄皆麗  
而能則斯人也斯文也生有蘭臺之  
聚死傳青鏤之管卽謂至今存可也

婁東張溥題



東夷執事

聚來軒青麤之聲唱隨至今林西也

而指陳謀人也謀文也坐沐蘭臺之

集二十卷不計盡見茲以再發皆題

爾其啾炎雲五則晚閑宜珍慕詩刻

書報同接並即當報外後出與神本



陸太常集目錄

賦

感知已賦

思田賦

賦體

表

爲豫章王慶太子出宮表

除詹事表

拜吏部郎表

陸太常集

目錄



爲王光祿轉太常讓表

爲張纘謝兄尚書謚靖子表

章

授潯陽太守章

教

爲豫章王拜後赦教

未至潯陽郡教

又

書



與徐僕射薦沈峻書

答釋法雲書

啓

爲張侍中謝啓

爲息纘謝勅賜朝服啓

遷吏部郎啓

謝勅使行江州事啓

銘

新漏刻銘

陸太常集

目錄

三



石闕銘

蠡杯銘

碑

天光寺碑

墓誌銘

誌法師墓誌銘

祭文

釋奠祭孔子文

請雨賽蔣王文



詩

和昭明太子鍾山解講

以詩代書別後寄贈京邑僚友

贈任昉詩

附錄

本傳



陸大常集目錄終



陸太常集卷全

梁吳郡陸倕佐公著

明婁東張溥天如閱

賦

感知已賦

夜申旦而不寐。獨匡坐而怨咨。命僕夫而夙駕。  
指南館而爲期。學窮書府。文究辭林。旣耳聞而  
存口。又目見而登心。似臨淄之借書。類東武之  
飛翰。軫工遲於長卿。踰巧速於王粲。固乃度平



子而越孟堅、何論孔璋而與公幹、或欲涉其涯  
涘、求其界畔、則浩浩沔沔、彪彪泝泝、譬長鋏於  
鞘中、若龍淵與蜀漢、濟濟冠蓋、祁祁雋逸、有竊  
風以味道、咸交臂而屈膝、或望路以窺門、空升  
堂而入室、彼春蘭及秋菊、尚蕪絕於衆芳、矧重  
仁與襲義、信遼遼兮未央、言追意而不逮、辭欲  
盡而復忘、竊仰高而希驥、忽脂車而秣馬、旣一  
顧之我隆、亦東睇之余、假似延州之如舊、同伯  
喈之倒屣、附蒼蠅於驥尾、託明鏡於朝光、謂虛



而爲有布籍甚於游揚於是柔條竭其成  
白露變而爲霜歲忽忽而道盡憂與愛兮未忘  
聚落莖於虛室聽羈雀於枯楊怵鬱悒其誰語  
獨撫抱而增傷託異人以蠲憂賴奇文而愈疾  
索黃瓊之寄居造安仁之狹室車出門其已歡  
無論銜梧與促膝譬鄒子之唵松故未寒而能  
慄徒納壤以作高陋吞舟而爲網值墨子之愛  
兼逢太邱之道廣陪九萬以齊征激三千而同  
上識公沙於杵臼拔孝相於無名非夫人之爲



感孰云感於余情指北芒以作誓期鬱鬱於佳  
城

思田賦

歲聿忽其云暮庭草颯以萎黃風颼颼以吹隙  
燈黯黯而無光獨展轉而不寐何增歎而自傷  
於是踟躕徙倚顧景興懷覓筦筦以至曙綴予  
想於田萊彼五畝其焉在乃爰泊乎江隈出郭  
門而東驚入淑浦而南迴爾乃觀其水陸物產  
原隰形便林藪挺直邱陵帶面臨九曲之廻江



對千里之平甸、風去蘋其已開、日登桑而先見、  
聽啁哳之寒鷄、弄差池之春燕、臨場圃以築館、  
對櫺軒而鑿池、集游泳於階下、引朝派於堂垂、  
瞻巨石之前却、玩激水之推移、雜青莎之羃靡、  
拂細柳之長枝、感風燭與石火、嗟民生其如寄、  
苟有胸而無心、必行難而言易、幸少私而寡欲、  
兼絕仁以棄智、忽學步而學趾、又追飛而厲翅、  
瞻鹿苑而竊高仰、疆臺而慕義、歷四時於遊水、  
馳三稔於申臂、望歸流而載懷、情鬱挹其何寘、



賦體

奉欽明之睿后、沐隆平之玄化、參振鷺之充庭、  
侍長徒之曾舍、冀無恨於終南、豫告成於芝駕、  
雖就列而陳力、終胡顏於長夜、



表

爲豫章王慶太子出宮表

臣聞周固本支、寔資明兩、漢啓磐石、必係元良、所以闡弘祚鼎、光崇守器、伏惟皇太子道契生知、照均天縱、不藉審諄之功、無待溫文之輔、而冬書秋記、夙表睿資、春誦夏絃、幼彰神度、雖復直門守令、長壽察微、魏贊多容、漢稱寬博、不足以連輝茂則、匹景令圖、甲觀惟新、桂宮告始、朱班徙次、翠蓋移陰、華裔式瞻、人祗蹈舞



除詹事表

中陽白水。徒庇微軀。送珥抱薪。未聳成績。陳席  
不棄。故劒無遺。遂宜時髦。升降清顯。尊官厚秩。  
無因而至。陋巷華門。鬱成爽塏。儲端華重。實異  
恒司。南章馬宮。已擇儒雅。竇嬰許商。爰取姻戚。  
自茲已降名器。日隆厯選才賢。若何叨越

拜吏部郎表

銓衡庶品。厯選賓寮。阮咸貞素。屢薦未登。陸亮  
忠心裁居。拜職自非。李重清識。李毅恬正。則何



以區分管庫。式鑒胥史。

爲王光祿轉太常讓表

昔者楚德方盛。孫叔濯衣。漢道克隆。王陽結綬。故拜命無辭。受爵不讓。况宗卿清重。厯選所難。漢晉以降。莫非素範。辭爵則桓郁張奮。讓封則丁鴻劉愷。潘尼之文雅深純。華表之從容退默。自此迄茲。風流繼軌。以臣况之。曾無等級。

爲張續謝兄尚書謚靖子表

亾兄夙構皇慈。早邀靈慶。立言著績。未酌天寵。



門衰祚寡，遽辭昌運，拊心摧恨，私懷罔極。日月  
告時，幽埏浸遠，王人猥集，佳冊光臨，榮溢里庭，  
恩深松檟。



授潯陽太守章

鏤冰雕脂。不見大龍之象。課虛叩寂。寧聞駕辯  
之音。徒荷容蓋。空班推擇。不能使府庭生梓。橫  
閣誦經。俯睨朱輜。仰瞻繒蓋。漏上嚴辨。伏軾多  
慙。







教

爲豫章王拜後赦教

夫議獄緩死。著在令圖。疑罪惟輕。聞之雅誥。是以虞經惻隱。流涕冬決。鍾意垂仁。哀矜寒送。吾以虛薄。夙頒寵章。光宅襟險。奄有全粵。非有沛獻矜嚴。空紆青組。東平智思。徒舉赤帷。思所以仰述皇猷。導揚弘澤。遵彼下車。譬茲解網。

未至潯陽郡教

第五倫之臨會稽。躬斬馬草。鄧伯道之莅吳郡。



自運家糧。故能使吏作頌歌。民胥興詠。太守薄  
德。謬叨龜組。竊願巴祇。闇坐接客。思匹吳隱。被  
絮對賓。常藥自隨。式瞻無遠。單車入境。竊所庶  
幾。舊須發民治道。及戍邏榆樵採。諸如此類。一  
皆省息。

又

太守家本諸生。伏膺典記。光武靈臺之籍。較涉  
根。基張華聚土之書。略見庭戶。貴郡圖載。共存  
方策。校以山經。參諸括象。原野城寺。宛在心目。



龍泉鶴嶺。不易窮登。所撰郡圖。可勿親用。公孫  
陞戟。既似井蛙。延壽執戈。實同兒戲。





書

與徐僕射薦沈峻書

五經博士庾季達。須換計公家。必欲詳擇其人。凡聖賢可講之書。必以周官立義。則周官一書。實爲羣經源本。此學不傳。多歷年世。北人孫詳。蔣顯。亦經聽習。而音革楚夏。故學徒不至。惟助教沈峻。特精此書。比日時聞講肄。羣儒劉崑。沈宏。沈熊之徒。並執經下坐。北面受業。莫不歎服。人無間言。第謂宜卽用此人。命其專此一學。周



而復始。使聖人正典。廢而更興。累世絕業。傳於學者。

答釋法雲書

辱告惠示至尊所答臣下。審神滅論。昔者異學爭途。孟子抗周公之法。小乘亂道。龍樹陳釋迦之教。於是楊墨之黨。舌舉口張。六師之徒。轍亂旗靡。言神滅者可謂學僻而堅。南路求燕。北轅首楚。以斯適道。千里而遙。聖上愍其迷途。爰奮天藻。鉤深致遠。盡化知神。俾此困蒙。均斯永釋。

陳茲要道同彼月照弟子並以凡薄沾竊恩紀  
纓冕則天之朝食提稽古之論贊幸之誠獨知  
踊躍猥頒告逮謹用書紳陸倕呈





啓

爲張侍中謝啓

陳力就列不能者止、實欲強飯、據鞍自窮、心力  
濡足、摩頂少報、洪私徒課、虛無空延、鐘箭不悟  
爰降曲慈、復叨清顯、職司近切、任掌總綸、魏選  
異才、漢求高德、官次恪居、鮮非民譽、仰瞻內省、  
無一可階、

爲息纘謝勅賜朝服啓

立冕素帶。出自禁財。朱紱青綱。隆於皇府。輝燭



鄰黨震耀街衢、姻族移聽、朋儕改矚、非臣隙弱、所能陳報、

遷吏部郎啓

臣器均濩落、材同擁腫、效非積山、勤乖附地、自叨榮秩、列裁移氣、序而坐延、曲私遂被、洪造自非割蚌、識珠覩石、知玉、宜可以獲名、理俗、見操就教、

謝勅使行江州事啓

封畛遐曠、厘井與實、陸海神臯、偏屬茲境、兼以

茂親明德維翰作鎮宜述條教匡贊盛猷自非  
問望兼逢宜可擢膺嘉舉





銘

新漏刻銘

夫自天觀象、昏旦之刻未分、治厯明時、盈縮之  
度無準、挈壺命氏、遠哉義用、揆景測辰、徼宮戒  
井、守以水火、分茲日夜、而司厯亡官、疇人廢業、  
孟陬殄滅、攝提無紀、衛宏載傳、呼之節較、而未  
詳。霍融叙分至之差、詳而不密。陸機之賦、虛握  
靈珠。孫綽之銘、空擅崑玉。弘度遺篇、承天垂旨、  
布在方冊、無彰器用、譬彼春華、同夫海棗、寧可



以軌物字民作範垂訓者乎。且今之官漏出自  
會稽積水違方導流乖則。六日無辨五行不分。  
歲躔闔茂月次姑洗。皇帝有天下之五載也。樂  
遷夏諺禮變商俗業類補天功均柱地河海夷  
晏風雲律呂坐朝晏罷。每旦晨興屬傳漏之音。  
聽鷄人之響以爲星火謬中。金水違用時乖啓  
閉。箭異鎗銖爰命日官草創新器於是俯察旁  
羅登臺升庫則于地四參以天一建武遺蠹咸  
和餘舛。金筒方圓之制飛流吐納之規變律改

經一皆懲革。天監六年太歲丁亥十月丁亥朔  
十六日壬寅漏成進御以考辰正晷測表候陰  
不謬圭撮無乖黍累又可以校運筭之睽合辨  
分天之邪正察四氣之盈虛課六厯之疎密永  
世貽則傳之無窮赫矣煥乎無得而稱也昔嘉  
量微物盤盂小器猶且昭德記功載在銘典况  
人神之制與造化合符成物之能與坤元等契  
勲倍楹席事百巾机寔可使多謝曾水有陋昆  
吾金字不傳銀書未勒者哉乃詔小臣爲其銘



曰

一暑一寒、有明有晦、神道無跡、天工罕代、乃置  
挈壺、是惟熙載、氣均衡石、晷正權槩、世道交喪、  
禮術銷亡、遽遷水火、爭倒衣裳、擊刁舛次、叢木  
乖方、爰究爰度、時惟我皇、方壺外次、圓流內襲、  
洪殺姝等、高卑異級、靈虬承注、陰蟲吐翳、倏往  
忽來、鬼出神入、微若抽繭、逝如激電、耳不輟音、  
眼無留盼、銅史司刻、金徒抱箭、履薄非兢、臨深  
罔戰、授受靡訐、登降弗爽、唯精唯一、可法可象、

月不遁來日無藏往分似符契至猶影響合昏  
暮卷莫莢晨生尚辨天意猶測地情況我神造  
通幽洞靈配皇等極爲世作程

石闕銘

昔在舜格文祖禹至神宗周變商俗湯黜夏政  
雖革命殊乎因襲揖讓異於干戈而晷緯冥合  
天人啓基克明峻德大庇生民其揆一也在齊  
之季昏虐君臨威侮五行怠棄三正刑酷然炭  
暴踰膏柱民怨神怒衆叛親離躋地無歸瞻烏



靡託，於是我皇帝拯之，乃操斗極，把鉤陳，翼百  
神，禔萬福。龍飛黑水，虎步西河。雷動風驅，天行  
地止。命旅致屯，雲之應。登壇有降火之祥。龜筮  
協從，人祇響附。穿胸露頂之豪，箕坐椎髻之長。  
莫不援旗請奮，執銳爭先。夏首憑固，庸岷負阻。  
協彼離心，抗茲同德。帝赫斯怒，秣馬訓兵。嚴鼓  
未通，凶渠泥首。弘舸連軸，巨檻接牖。鐵馬千羣，  
朱旗萬里。折簡而禽廬九，傳檄以下湘羅。兵不  
血刃，士無遺鏃。而樊鄧威懷，巴黔底定。於是流

湯之黨握炭之徒，守似藩籬，戰同枯朽。革車近次，師營商牧。華夷士女，冠蓋相望。扶老攜幼，一旦雲集。壺漿塞野，簞食盈塗。似夏民之附成湯，殷士之窺周武。安老懷少，伐罪弔民。農不遷業，市無易賈。八方入計，四隩奉圖。羽檄交馳，軍書狎至。一日二日，非止萬機。而尊嚴之度，不訐於師旅。淵默之容，無改於行陣。計如投水，思若轉規。策定帷幄，謀成几案。曾未浹辰，獨夫授首。乃焚其綺席，弃彼寶衣。歸璇臺之珠，反諸侯之玉。



指麾而四海隆平，下車而天下大定，拯茲塗炭，  
救此橫流，功均天地，明並日月，於是仰協三靈，  
俯從億兆，受昭華之玉，納龍叙之圖，類帝禋宗，  
光有神器，升中以祀羣望，攝袂而朝諸夏，布教  
都畿，班政方外，謀協上策，刑從中典，南服緩耳，  
西羈反舌，劒騎窮廬之國，同川共穴之人，莫不  
屈膝交臂，厥角稽顙，鑿空萬里，攘地千都，幕南  
罷鄣，河西無警，於是治定功成，邇安遠肅，忘茲  
鹿駭，息此狼顧，乃正六樂，治五禮，改章程，創法

律置博士之職而著錄之生若雲開集雅之館  
而款關之學如市興建庠序啓設郊邱一介之  
才必記無文之典咸秩於是天下學士靡然向  
風人識廉隅家知禮讓教臻侍子化洽期門區  
宇乂安方面靜息役休務簡歲阜民和歷代規  
摹前王典故莫不芟夷翦截允執厥中以爲象  
闕之制其來已遠春秋設舊章之教經禮垂布  
憲之文戴記顯游觀之言周史書樹闕之夢北  
荒明月西極流精海岳黃金河庭紫貝蒼龍玄



武之制。銅爵鐵鳳之工。或以聽窮省寃。或以布  
治懸法。或以表正王居。或以光崇帝里。晉氏浸  
弱。宋厯威夷。禮經舊典。寂寥無記。鴻規盛烈。湮  
沒罕稱。乃假天闕於牛頭。託遠圖於博望。有欺  
耳目。無補憲章。乃命審曲之官。選明中之士。陳  
圭置臬。瞻星揆地。興復表門。草創華闕。於是歲  
次天紀。月旅太簇。皇帝御天下之七載也。構茲  
盛則。興此崇麗。方且趨以表敬。觀而知法。物覩  
雙碣之容。人識百重之典。作範垂訓。赫矣壯乎。

爰命下臣式銘盤石其辭曰

惟帝建國正位辨方周營洛涘漢啓岐梁居因  
業盛文以化光爰有象闕是惟舊章青蓋南洎  
黃旗東指懸法無聞藏書弗紀大人造物龍德  
休否建此百常興茲雙起偉哉偃蹇壯矣巍巍  
旁映重疊上連翠微布教方顯浹日初輝懸書  
有附委篋知歸鬱崛重軒穹隆反宇形聳飛棟  
勢超浮柱色法上圓制模下矩周望原隰俛臨  
烟雨前賓四會却背九房北通二轍南奏五方



暑來寒往、地久天長、神哉華觀、永配無疆、

蠡杯銘

用邁羽杯、珍踰渠碗、實同蠡測、形均樸蒲、伊我  
疲病、獨居無伴、所不比挹、誰謂誰緩、

碑

天光寺碑

法雲旦聚，則浸潤被乎重沙；慧日晨燈，則暉光燭於有頃。皇帝乃把神珠，握靈鏡，擊天鼓，撞地鐘，驅日月之師，勒星辰之陣。九流外籍，五明內典，鳥策餘文，龍宮遺教，莫不神遊房奧，跡徧門墻。思洞希微，言窮名象，珉階凌虛，瓊籬鬱起，可使龍城愧飾，雁塢慙珍。日宇奪暉，月宮掩麗。昔者姬水壽邱，載紀山川之目；丹陵負夏，僅傳鄉



黨之名。歌酒故邑。賜復窮乎身世。壘篴舊里。高會止於當年。銘曰

被物如露。偃民猶草。解髻傳珠。抽衣受寶。化違宅火。功超河岸。捨我神居。興茲靈館。八襲豐殿。四柱高廊。並陳金戟。旁達玉箱。從橫雜樹。間廁衆芳。

墓誌銘

誌法師墓誌銘

法師自說姓朱名寶誌。其生緣桑梓莫能知之。齊故特進吳人張緒與皇寺僧釋法義並見法師於宋太始初出入鍾山。迺來都邑。年可五六。十歲未知其異也。齊宋之交。稍顯靈迹。披髮徒跣。負杖挾鏡。或徵索酒肴。或數日不食。預言未來。懸識他心。一時之中。分身數處。天監十三年。卽化於華林門之佛堂。先是忽移寺之金剛像。



出置戶外，語僧衆云：菩薩當去，爾後旬日無疾而殞。沉舟之痛，有切皇心。殯葬資須，事豐供厚。望方墳而隕涕，瞻白帳而拊心。爰詔有司，式刊景行。辭曰：

欲化毗城，金粟降靈。猗歟大士，權迹帝京。緒胄莫詳，邑居罕見。譬彼涌出，猶如空現。哀茲景像，愍此風電。將導舟梁，假我方便。形煩心寂，外荒內辯。觀往測來，覩微知顯。動足墟立，發言風偃。業窮難詔，因謝弗援。慧雲晝歇，慈燈夜昏。

祭文

釋奠祭孔子文

於惟上德，是曰聖真。克明克峻，知化窮神。研幾善誘，藏用顯仁。利同道濟，成俗教民。道尊功倍，德溥化光。離經辨志，濟濟洋洋。

請雨賽蔣王文

陸周祚胤，鍾嶽降精。聰明正直，得一居貞。無方無體，不疾不行。化馳九縣，位冠百靈。東掩屢憊，西郊已戢。偶龍矯首，泥人鶴立。神聽孔殷，靈應



揮霍儵覩、翻伊俄聞、倒洛樂周、祈畢恩洽、酒闌、  
靈談抗袖、鬼笑投枰、推茲且引、於萬斯歡、

詩

和昭明太子鍾山解講

終南鄰漢闕，高掌跨周京。復此虧山嶺，穹窿距  
帝城。當衢啓珠館，臨下構山楹。南望窮淮潑，北  
眺盡滄溟。步簷時中宿，飛階或上征。網戶圖雲  
氣，龕室畫仙靈。副君憐世網，廣命萃人英。道筵  
終后說，鑾轡出郊坰。雲峰響流吹，松野映風旌。  
睿心嘉杜若，神藻茂琳琅。多謝先成敏，空頒後  
乘榮。



以詩代書別後寄贈京邑僚友

余本水鄉士，閉門江海隅。時逢世道泰，蹇足步  
高衢。名成宦雖立，效微功日疎。入仕乘肥馬，出  
守擁高車。關門遊昔吏，遷亭有故書。江沔資賢  
牧，宗英出建旟。不勞王布鼓，無賴露田車。弼政  
非責實，求名已課虛。長卿病猶在，修齡疾未祛。  
詎知亭長肉，宜挂府丞魚。不能未能止，內訟慚  
諸已。僂俛從王事，纚舟出淮泗。朋故遠追尋，瞋  
宿清江陰。明旦一分手，翻飛各異林。歸舟隨岸

曲猶聞歌棹音行者日起遠誰見別離心  
夕次  
列洲岸明登慈姥岑水流多迴復余歸良未尋

江關

一作中

寒事早。夜露傷秋草。心屬姑蘇臺。目

送邯鄲道。葭葦日蒼蒼。親知慎早涼。劉兄消渴

病。休攝戒無良。殷弟癩眩疾。行止避風霜。劉侯

有餘冷。宜餌陟

一作休

釐方。伏子多風咳。門冬幸

易將。率更愛雅體。體弱思自強。吏曹勉玉潤。諷

議最金相。比部多暇日。奚用肆龍章。建德何爲

者。無墮無人鄉。記室朋從暇。露蠋附行商。議曹

陸沈常集

陸沈

詩

三



坐朝罷。尺板嗣微芳。雙栖成獨宿。俱飛忽異翔。  
眷言思親友。沉思結中腸。追惟疇昔時。朝府多  
歡暇。薄暮塵埃靜。飛蓋遙相迂。李郭或同舟。潘  
夏時方駕。娛談終美景。敷文永清夜。促膝豈異  
人。戚戚皆朋一作姻。今者一乖離。濯然心事差。  
山川望猶近。便似隔天涯。玉躬子加護。昭質余  
未虧。八行思自勉。一札望來儀。

贈任昉詩

昉爲御史中丞後進皆宗之時有彭城  
劉孝綽劉苞劉孺吳郡陸倕張率陳郡

殷雲沛國劉顯及到海至  
洽車軌日至號曰蘭臺聚

和風雜美氣下有真人遊壯矣荀文若賢哉陳  
太邱今則蘭臺聚萬古信爲儔任君本達識張  
子復清修既有絕塵到復見黃中劉

陸太常集

卷全

詩

云





本傳

陸倕字佐公，吳郡吳人也。晉太尉玩六世孫。祖子真，宋東陽太守。父慧曉，齊太常卿。倕少勤學，善屬文。於宅內起兩間茅屋，杜絕往來。晝夜讀書。如此者數載。所讀一遍，必誦於口。嘗借人漢書，失五行志四卷，乃暗寫還之，略無遺脫。幼爲外祖張岱所異。岱嘗謂諸子曰：「此兒汝家之陽元也。」十七舉本州秀才，刺史竟陵王子良開西邸，延英俊，倕亦預焉。辟議曹從事參軍廬陵王



法曹行參軍。天監初爲右軍安成王外兵參軍。轉主簿。倕與樂安任昉友善。爲感知已賦。以贈昉。昉因此名以報之。遷驃騎臨川王東曹掾。是時禮樂制度多所創革。高祖雅愛倕。才乃敕撰新漏刻銘。其文甚美。遷太子中舍人。管東宮書記。又詔爲石闕銘。記奏之。敕曰。太子中舍人陸倕所製石闕銘。辭義典雅。足爲佳作。昔虞邱辨物。邯鄲獻賦。賞以金帛。前史美談。可賜絹三十疋。遷太子庶子。國子博士。母憂去職。服闋爲中

書侍郎給事黃門侍郎揚州別駕從事史以疾  
陳解遷鴻臚卿入爲吏部郎參選事出爲雲麾  
晉安王長史尋陽太守行江州府州事以公事  
免左遷中書侍郎司徒司馬太子中庶子廷尉  
卿又爲中庶子加給事中揚州大中正復除國  
子博士中庶子中正並如故守太常卿中正如  
故普通七年卒年五十七文集二十卷行於世  
第四子纘早慧十歲通經爲童子奉車郎卒



陸太常集

卷全

三





劉  
戶  
曹  
集

劉孝標見任彥升諸子流離行路舊  
交莫恤則著廣絕交論與中山劉明  
信友善書命往反明信沒復爲報章  
追答之念其慙勤死友寄懷寂寞一  
篇之中郇成季札遺風在焉孝標溜



右名種期月孤露魏師南侵陷身奴  
虜既知書學播遷緇素韓非入秦李  
陵去漢豈若是困厄哉多聞不達逃  
還江南亦爰適樂土不欲累北人參  
養也魏佛助作魏書好詆南士妄謂  
孝標兄弟疎薄遭棄殆越人之笑章

南乎棲學東陽享年六十立靖先生  
宣云夭折獨其一世書淫南北並蹟  
上有好文之君朝多同學之彥而引  
見無階山棲竟老德祖見忌于曹操  
敬通缺望于光武豈非命耶辯論六  
蔽善言天人自序三同四異悲憤交



集遇王若此而又重以悍室司晨若  
教將餒詩窮而工其然乎

婁東張溥題

劉戸曹集目錄

啓

送橘啓

書

與宋玉山元思書

與舉法師書

答劉之遴借類苑書

追答劉沼書

答郭峙書



稱族子訐歆書

序

相經序

自序

志

東陽金華山栖志

論

辯命論

有序

廣絕交論

詩

登郁洲山望海

自江州還入石頭詩

始營山居

出塞

附錄

本傳

劉戶曹集目錄終



金匱要略

目錄

一

劉戶曹集卷全

梁平原劉峻著

明太倉張溥閱

啓

送橘啓

南中橙甘。青鳥所食。始霜之旦。採之風味照座。  
劈之香霧喫人。皮薄而味珍。脈不粘膚。食不留  
滓。甘踰萍實。冷亞冰壺。可以熏神。可以茗鮮。可  
以漬蜜。羶鄉之果。宜有此耶。





書

與宋玉山元思書

驅馬金張之館、飛蓋許史之廬、習匡鼎之說、詩、  
騁谷雲之雕篆、賓徒波湧、輿輪靡息、當是時也、  
樂可言哉、然靜思夫君、愀焉軫歎、何則、方鑿圓、  
枘鉏鋸難從、翔鳥游魚蹉跎不狎、是以賈生懷、  
琬琰而挫翮、馮子握璵璠而鍛羽、天誕英逸、獨、  
擅民秀、心貞筠、箭德潤珪璋、信人之水鏡、一性、  
之鎔範、而荆南雄曲、高音鮮和、河西名驥、滅沒、



誰賞故若先生者進有三難退有三樂竊觀先生未能鴻翔鸞起騰霞躋漢將由囿空桑麻田無負郭俛眉翕肩以斯故耳今賢弟賓從抗鱗奮翼或衣繡江塘或鳴騶洛渚連騎方驅擊鐘乃食萼跗若是吾子復何憂哉惟當纂兩仲之微迹襲二疎之風流生與漁父同嬉死葬要離墓側金石可碎聲華無寂斯道坦坦先生幸其勗與。

與舉法師書

聞諸行李、高談徽德、逖聽風聲、心飛魂竦、無異  
蘄仙之望、石髓太陰之思、龍燭蒼星昏旻、涼雲  
送秋、道勝則肥、固應願攝、衣裳虹蜺、帷幕霄露、  
餌黃菊之落葉、酌清澗之淝流、旦候歸雁晨鳧、  
暮聽羈雌獨鶴、神影影爾、葢象蕭史之騎鳴鳳、  
列子之御長風、雖荆卿旁若無人、孝然堅臥冰  
雪、沈沈隱隱、何以尚之哉、至於馳驚經囿、翱翔  
書圃、極龍宮之妙典、彈石室之鴻記、道生伏其  
天真、曼倩謝其辨物、若乃習是童子、措志雕蟲、



藻思內流、英華外發、歲蕤秋竹、照曜春松、爵頌  
息明珠之譽、長門濫黃金之賞、盛矣美矣、煥其  
麗乎、昔旅浙河、嘗觀組纈、不覺紙蕪筆焚、魂魄  
斯盡、自茲厥後、兩絕珪璧、意睠睠於菁華、腸迴  
迴於九逝、夫日御停照、不踰隙穴、海若瀆湧、莫  
限隈嶠、以玉抵鵲、昔傳餘寶、冀閱清微、用瘳眩  
疾、然越民非鬻冠之所、齊國豈奏韶之地、望與  
其進、無貽責焉。

答劉之遴借類苑書

九冬有隙、三餘暇時、多游書圃、代樹萱蘇。若夫  
采疊疊於緇純、閱微言於殘竹、咀飫膏液、咀嚼  
英華、不知地之爲輿、天之爲蓋、靡測迴塘、莫辨  
輿馬、烏足以言乎、是用周流墳素、詳觀圖牒、搦  
管聯冊、纂茲英奇、蛩蛩之謀、止於善草。周周之  
計、利在銜翼。故鳩集斯文、蓋自綴其漏耳。豈冀  
藏山之名、播於士大夫哉。

追答劉沼書

劉侯旣重有斯難、值予有天倫之感、竟未之致



也。尋而此君長逝，化爲異物。緒言餘論，蘊而莫傳。或有自其家得而示余者，余悲其音微未沫，而其人已亡。青簡尚新，而宿草將列。泣然不知涕之無從也。雖隙駟不留，尺波電謝，而秋菊春蘭，英華靡絕。故存其梗槩，更酬其旨。若使墨翟之言無爽，宣室之談有徵。冀東平之樹，望咸陽而西靡。蓋山之泉，聞弦歌而赴節。但懸劒空壠，有恨如何。

答郭峙書

聞君子舊矣，但人非豕鹿，轉加遲滯，波駁雨滯，動間山川，故無由交羽觴，薦雜佩，睨浮雲以搔首，臨清風而浩歌，變燧迴星，亦云勞止。

稱族子訐歆書

劉訐字彥度，兄歆字士光，並履高操，共卜築鍾山。宋熙寺東澗有終焉之志，族祖孝標與書稱之。

訐超超越俗，如半天朱霞，歆矯矯出塵，如雲中白鶴，皆儉歲之梁稷，寒年之織纊。



山影竹簾綠  
山影竹簾綠  
山影竹簾綠

山影竹簾綠  
山影竹簾綠  
山影竹簾綠

山影竹簾綠  
山影竹簾綠  
山影竹簾綠

山影竹簾綠  
山影竹簾綠  
山影竹簾綠

山影竹簾綠

山影竹簾綠

山影竹簾綠

山影竹簾綠

序

相經序

夫命之與相。猶聲之與響。聲動乎幾。響窮乎應。雖壽夭參差。賢愚不一。其間大較。可得聞矣。若乃生而神睿弱。而能言八彩光眉。四瞳麗目。斯實天姿之特達。聖人之符表。洎乎日角月偃之奇。龍棲虎踞之美。地靜鎮於城纒。天闕運於掌策。金槌玉枕。磊落相望。代犀起蓋。隱鱗交映。并宅既兼。食匱已實。抑亦帝王卿相之明効也。及



其深目長頸。頽頽感觸。虵行鷲立。假喙鳥味。筋  
不束體。血不華色。手無春莢之柔。髮有寒蓬之  
悴。或先吉而後凶。或少長乎窮乏。不其悲歟。至  
如姬公凝負圖之容。孔父眇棲遑之迹。豐本知  
其有後。黃中明其可貴。其間或躍馬膳珍。或飛  
而食肉。或皂隸晚侯。初形未正。銅巖無以飽生。  
玉饌終乎餓死。因斯以觀。何事非命。

自序

峻字孝標。平原人也。生於秣陵縣。暮月歸故鄉。

八歲遇桑梓顛覆身充僕圉齊永明四年二月  
逃還京師後爲崔豫州刑獄叅軍梁天監中詔  
峻東掌石渠閣以病乞骸骨隱東陽金華山余  
嘗自比馮敬通而有同之者三異之者四何則  
敬通雄才冠世志剛金石余雖不及之而節亮  
慷慨此一同也敬通值中興明君而終不試用  
余逢命世英主亦擯斥當年此二同也敬通有  
忌妻至於身操井臼余有悍室亦令家道轆轤  
此三同也敬通當更始之世手握兵符躍馬食



肉。余自少迄長戚戚無歡。此一異也。敬通有子仲文。官成名立。余禍同伯道。永無血胤。此二異也。敬通膂力剛強。老而益壯。余有犬馬之疾。溘死無時。此三異也。敬通雖芝殘蕙焚。終填溝壑。而爲名賢所慕。其風流郁烈芬芳。久而彌盛。余聲塵寂寞。世不吾知。魂魄一去。將同秋草。此四異也。所以力自爲序。遺之好事云。

志

東陽金華山棲志

夫鳥居山上、層巢木末、魚潛淵下、窟穴泥沙、豈  
好異哉、蓋性自然也、故有忽白璧而樂垂綸、負  
玉鼎而要卿相、行藏紛糾、顯晦踳駁、無異火炎  
水流、圓動方息、斯則廟堂之與江海、蓬戶之與  
金閨、並然其所然、悅其所悅、鳥足毛羽、瘡痍在  
其間哉、予生自原野、善畏難狎、心駭雲臺、朱屋  
望絕、高蓋青組、且霑濡霧露、彌願閒逸、每思濯



清瀨息椒邱寤寐永懷其來尚矣蚓專噬壤民  
欲天從爰泊二毛得居巖穴所居東陽郡金華  
山東陽實會稽西部是生竹箭山川秀麗臯澤  
塊鬱若其群峰疊起則接漢連霞喬林布濩則  
春青冬綠迴溪映流則十仞洞底膚寸雲合必  
千里雨散信卓犖爽塏神居奧宅是以帝鴻遊  
斯鑄鼎雨師寄此乘烟故澗勒赤松之名山貽  
縉雲之號近代江治中奮迅泥滓王徵士高拔  
風塵龍盤鳳棲咸萃茲地良由碧湍素石可致

幽人者哉、金華山古馬鞍山也、蘊靈藏聖、列名  
仙謫、左元放稱此山云、可免洪水五兵、可令神  
丹九轉、金華之首有紫巖山、山色紅紫、因此爲  
稱、靡迤坡陀、下屬深渚、嶢岼巖嶙、上虧日月、登  
自山麓、漸高漸峻、壟路迫隘、魚貫而升、路側有  
絕澗、閘間庠豁、俯窺木杪、焦原石邑、匪獨危懸、  
至山將半、便有廣澤大川、臯陸隱賑、予之葺宇、  
實在斯焉、所居三面皆迴、山周繞、有象郭郭、前  
則平野蕭條、日極通望、東西帶二澗、四時飛流、



泉清瀾微霍，滴瀝生響。白波跳沫，洄涌成音。並  
漕瀆通引，交渠綺錯。懸溜瀉於軒甍，激湍迴於  
階砌。供帳無綆，汲甕漱息。瓶盆楓櫨，椅櫨之樹。  
梓柏桂樟之木，分形異色。千族萬種，結朱實包。  
綠裹，杭白蒂，抽紫莖。櫛蠹苯蓐，捎風鳴籟。垂條  
欄戶，布葉房櫳。中谷澗濱，華藻攢列。至於青春  
緩謝，萍生泉動。則有都梁含馥，懷香送芬。長樂  
負霜，宜男泣露。芙蓉紅華，照水。皐蘇縹葉，從風。  
憑軒永眺，蠲憂亡疾。邱阿陵曲，衆藥灌叢。地髓

抗莖山筋抽節，金鹽重於素壁，玉豉貴於明珠。  
可以養性消病，還年駐色，不藉崔文黃散，勿用  
負局紫丸。翱翔群鳳，風胎雨轂，綠翼紅毛，素纓  
翠鬣，肅肅毛羽，關關好音，皆馴狎園池，旅食鷄  
鶩，若乃鴻日伺辰，響類鍾鼓，鳴虵候曙，聲像琴  
瑟，玄猿薄霧，清嘯飛梧，乘煙咏吟，嘈噴嘹亮，悅  
心娛耳，諒所以跨躡管籥，韜軼笙簧，宅東起招  
提寺，背巖面壑，層軒引景，邃宇臨崖，博敞閒虛，  
納祥生白，左瞻右睇，仁智所居，故碩德名僧，振



錫雲萃，調心七覺，詆訶五塵，郁列戒香，浴滋定  
水，至於熏鑪夜爇，法鼓旦聞，予則跼蹐握衣，躬  
行頂禮，詢道哲人，欽和至教，每聞此河紛梗，彼  
岸永寂，熙熙然若登春臺而出宇宙，唯善是樂，  
豈伊徒言，寺東南有道觀，亭亭崖側，下望雲雨，  
蕙樓茵榭，隱映林篁，飛觀列軒，玲瓏煙霧，日止  
却粒之氓，歲集神仙之客，餌星髓，吸流霞，將乃  
雲衣霓裳，乘龍馭鶴，觀下有石井，聳峙中澗，雕  
琢刻削，頗類人工，躍流濺瀉，潏湧決咽，電擊雷

吼駭目驚魂，寺觀之前皆植修竹，檀欒蕭瑟，被  
陵緣阜，竹外則有良田區畛，通接山泉，膏液鬱  
潤，肥腴鄭白，決漳莫之能擬，致紅粟流溢，鳧鴈  
充厭，春鰲旨膳，碧鷄冬葷，味珍霜鷄，穀巾取於  
邱嶺，短褐出自中園，寒蔣逼側於池湖，菅蒯駢  
填於原隰，養給之資，生生所用，無不阜實，藩籬  
充牣崖巘，歲始年季，農隙時閒，濁醪初釀，醪清  
新熟，則田家野老，提壺共至，班荆林下，陳罇置  
酌，酒酣耳熱，屢舞誼嗽，盛論箱庾，高談穀稼，盟



喙謳歌，舉盃相抗，人生樂耳。此歡豈訾？若夫蠶而衣，耕而食，日出而作，日入而息，晚食當肉，無事爲貴，不求於世，不忤於物，莫辨榮辱，匪知毀譽，浩蕩天地之間，心無怵惕之警，豈與稽生齒劍楊子墜閣較其優劣者哉？

論

辯命論 有序

主上嘗與諸名賢言及管輅歎其有俊才而位不達時有在赤墀之下預聞斯議歸以告余余謂士之窮通無非命也故謹述天旨因言其致云爾

臣觀管輅天才英偉珪璋特秀實海內之名傑豈日者卜祝之流乎而官止少府丞年終四十八天之報施何其寡歟然則高才而無貴仕饗



餐而居大位、自古所歎焉、獨公明而已哉、故性命之道、窮通之數、天閼紛綸、莫知其辯、仲任蔽其源、子長闡其惑、至於鵬冠甕牖、必以懸天有期、鼎貴高門、則曰唯人所召、譊譊謹昨、異端斯起、蕭遠論其本、而不暢其流、子玄語其流、而未詳其本、嘗試言之曰、夫道生萬物、則謂之道、生而無主、謂之自然、自然者、物見其然、不知所以然、同焉皆得、不知所以得、鼓動陶鑄、而不爲功、庶類混成、而非其力、生之無亭毒之心、死之豈

皮劉之志、墜之淵泉、非其怒、昇之霄漢、非其悅、  
蕩乎大乎、萬寶以之化、確乎純乎、一作而不易、  
化而不易、則謂之命、命也者、自天之命也、定於  
冥兆、終然不變、鬼神莫能預、聖哲不能謀、觸山  
之力、無以抗、倒日之誠、弗能感、短則不可緩之  
於寸陰、長則不可急之於箭漏、至德未能踰上  
智所不免、是以當放勳之世、浩浩襄陵、天乙之  
時、焦金流石、文公寔其尾、宣尼絕其糧、顏回敗  
其叢蘭、冉耕歌其芣苢、夷叔斃淑媛之言、子輿



困臧倉之訴。聖賢且猶若此。而况庸庸者乎。至  
乃伍員浮屍於江流。三閭沉骸於湘渚。賈大夫  
沮志於長沙。馮都尉皓髮於郎署。君山鴻漸。鍛  
羽儀於高雲。敬通鳳起。摧迅翮於風穴。此豈才  
不足而行有遺哉。近世有沛國劉巖。巖弟璡。並  
一時秀士也。巖則關西孔子。通涉六經。循循善  
誘。服膺儒行。璡則志烈秋霜。心貞崑玉。亭亭高  
竦。不雜風塵。皆毓德於衡門。並馳聲於天地。而  
官有微於侍郎。位不登於執戟。相次殂落。宗祀

無饗因斯兩賢以言古則昔之玉質金相英髦  
秀達皆擯斥於當年韞奇才而莫用候草木以  
共彫與麋鹿而同死膏塗平原骨填川谷堙滅  
而無聞者豈可勝道哉此則宰衡之與皂隸容  
彭之與殤子猗頓之與黔婁陽文之與敦洽咸  
得之於自然不假道於才智故曰死生有命富  
貴在天其斯之謂矣然命體周流變化非一或  
先號後笑或始吉終凶或不召自來或因人以  
濟交錯糾紛迴環倚伏非可以一理徵非可以



一途驗而其道密微寂寥忽恍無形可以見無聲可以聞必御物以效靈亦憑人而成象譬天王之冕旒任百官以司職而或者覩湯武之龍躍謂戡亂在神功聞孔墨之挺生謂英睿擅奇響視韓彭之豹變謂鷙猛致人爵見張桓之朱紱謂明經拾青紫豈知有力者運之而趨乎故言而非命有六蔽焉余請陳其梗槩夫靡顏膩理哆喙顙頰形之異也朝秀晨終龜鵠千歲年之殊也聞言如響智昏菽麥神之辯也固印三

者定乎造化。榮辱之境。獨曰由人。是知二五而  
未識於十。其蔽一也。龍犀日角。帝王之表。河目  
龜文。公侯之相。撫鏡知其將刑。壓紐顯其膺錄。  
星虹樞電。昭聖德之符。夜哭聚雲。鬱興王之瑞。  
皆兆發於前期。渙汗於後葉。若謂驅貔虎。奮尺  
劍。八紫薇。升帝道。則未達宵冥之情。未測神明  
之數。其蔽二也。空桑之里。變成洪川。厯陽之都。  
化爲魚鱉。楚師屠漢卒。睢河鯁其流。秦人坑趙  
士。沸聲若雷震。火炎崑岳。礫石與琬琰俱焚。嚴



霜夜零。蕭艾與芝蘭共盡。雖游夏之英才。伊顏  
之殆庶。焉能抗之哉。其蔽三也。或曰。明月之珠  
不能無類。夏后之璜不能無考。故亭伯死於縣  
長。相如卒於圉令。才非不饒。主非不明也。而碎  
結緣之鴻輝。殘懸黎之夜色。抑尺之量有短哉。  
若然者。主父偃公孫弘對策不升第。歷說而不  
入。牧豕淄原。見棄州部。設令忽如過隙。溘死霜  
露。其爲詬恥。豈崔馬之流乎。及至開東閣。列五  
鼎。電照風行。輦馳海外。宣前愚而後智。先非而

終是將榮悴有定數。天命有至極。而謬生妍蚩。其蔽四也。夫虎嘯風馳。龍興雲屬。故重華立而元凱升。辛受生而飛廉進。然則天下善人少。惡人多。闇主衆。明君寡。而薰蕕不同器。梟鸞不接翼。是使渾敦櫛枕。踵武於雲臺之上。仲容廷堅。耕耘於巖石之下。橫謂廢興在我。無繫於天。其蔽五也。彼戎狄者。人面獸心。宴安鴆毒。以誅殺爲道德。以蒸報爲仁義。雖大風立於青丘。鑿齒奮於華野。比其狼戾。曾何足喻。自金行不競。天



地板蕩。左帶沸脣。乘間電發。遂覆瀍洛。傾五都。  
居先王之桑梓。竊名號於中縣。與三皇競其萌  
黎。五帝角其區宇。種落繁熾。充牣神州。嗚呼。福  
善禍淫。徒虛言耳。豈非否泰相傾。盈縮遞運。而  
汨之以人。其蔽六也。然所謂命者。死生焉。貴賤  
焉。貧富焉。治亂焉。禍福焉。此十者。天之所賦也。  
愚智善惡。此四者。人之所行也。夫神非舜禹。心  
異朱均。才絪中庸。在於所習。是以素絲無恒。玄  
黃代起。鮑魚芳蘭。八而自變。故季路學於仲尼。

厲風霜之節。楚穆謀於潘崇。成殺逆之禍。而商  
臣之惡。盛業光於後嗣。仲由之善。不能息其結  
纓。斯則邪正由於人。吉凶在乎命也。或以鬼神  
害盈。皇天輔德。故宋公一言。法星三徙。殷帝自  
翦。千里來雲。若使善惡無徵。未洽斯義。且于公  
高門以待封。嚴母掃墓以望喪。此君子所以自  
彊不息也。如使仁而無報。奚爲修善立名乎。斯  
徑廷之辭也。夫聖人之言。顯而晦。微而婉。幽遠  
而難聞。河漢而不測。或立教以進庸怠。或言命



以窮性靈。積善餘慶。立教也。鳳鳥不至。言命也。  
今以其片言。辨其要趣。何異乎夕死之類。而論  
春秋之變哉。且荆昭德音。丹雲不卷。周宣祈雨。  
珪璧斯罄。于叟種德。不逮勛華之高。延年殘獷。  
未甚東陵之酷。爲善一。爲惡均。而禍福異其流。  
廢興殊其迹。蕩蕩上帝。豈如是乎。詩云。風雨如  
晦。鷄鳴不已。故善人爲善焉有息哉。夫食稻粱。  
進芻豢。衣狐貉。襲冰紈。觀窈眇之奇儻。聽雲和  
之琴瑟。比主人之所急。非有求而爲也。修道德。

習仁義敦孝悌立忠貞漸禮樂之朋澗躍先生  
之盛則此君子之所急非有求而爲也然則君  
子居正體道樂天知命明其無可奈何識其不  
由智力逝而不召來而不距生而不喜死而不  
憾瑤臺夏屋不能悅其神土室編蓬未足憂其  
慮不充詘於富貴不遑遑於所欲豈有史公董  
相不遇之文乎。

廣絕交論

客問主人曰朱公叔絕交論爲是乎爲非乎主



人曰客奚此之間客曰夫草蟲鳴則阜螽躍雕  
虎嘯而清風起故細縕相感霧涌雲蒸嚶鳴相  
召星流電激是以王陽登則貢公喜罕生逝而  
國子悲且心同琴瑟言鬱郁於蘭茝道協膠漆  
志婉變於埴篲聖賢以此鏤金版而鐫盤盂書  
玉牒而刻鍾鼎若乃匠人輟成風之妙巧伯子  
息流波之雅引范張欵欵於下泉尹班陶陶於  
永夕絡繹縱橫烟霏雨散巧厯所不知心計莫  
能測而夫益州日葵文越某川垂直刃色文遂

列女集

卷全

論

七



達之素交、歷萬古而一遇、逮叔世民訛、徂詐颺  
起、谿谷不能踰其險、鬼神無以究其變、競毛羽  
之輕、趨錐刀之末、於是素交盡、利交興、天下蚩  
蚩、鳥驚雷駭、然利交同源、派流則異、較言其略、  
有五術焉、若其寵釣董石、權壓梁竇、雕刻百工、  
鑪錘萬物、吐漱興雲雨、呼翕下霜露、九域聳其  
風塵、四海疊其燠灼、靡不望影星奔、藉響川驚、  
雞人始唱、鶴蓋成陰、高門旦開、流水接軫、皆願  
率貢至璽、竊瞻由陽、約司要離、焚妻子、誓徇荆

卿湛七族。是曰夔。交其流一也。富貴。程羅山擅銅陵。家藏金穴。出平原而聯騎。居里開而鳴鐘。則有窮巷之賔。繩樞之子。冀宵燭之未光。邀潤屋之微澤。魚貫鳬躍。颺沓鱗萃。分雁驚之稻梁。霑玉竿之餘瀝。銜恩遇。進欵誠。援青松以示心。指白水而旌信。是曰賄交。其流二也。陸大夫讌喜西都。郭有道人倫東國。公卿貴其籍甚。搢紳羨其登僊。加以顙頤臧頰。涕唾流沫。騁黃馬之劇談。縱碧鷄之雄辯。敘溫燠則寒谷。



成暄。論嚴苦則脊叢零葉。飛沈出其顧指。榮辱  
定其一言。於是有弱冠王孫。綺紈公子。道不挂  
於通人。聲未道於雲閣。攀其鱗翼。丐其餘論。附  
騏驥之旄端。軼歸鴻於碣石。是曰談交。其流三  
也。陽舒陰慘。生民大情。憂合歡離。品物恒性。故  
魚以泉涸而煦沫。鳥因將死而哀鳴。同病相憐。  
綴河上之悲曲。恐懼寘懷。昭谷風之盛典。斯則  
斷金由於湫隘。刎頸起於苦蓋。是以伍員濯漑。

駭驚之倫。溥薄之作。無不揜權衡。秉結縵。復所  
以揣其輕重。續所以屬其鼻息。若衡不能舉。續  
不能飛。雖顏冉龍翰鳳雛。魯史蘭薰雪白。舒向  
金玉淵海。卿雲黼黻。河漢視若游塵。遇同土梗。  
莫肯費其半菽。罕有落其一毛。若衡重鎰銖。續  
微影撇。雖其工之蒐隱。驩堯之掩義。南荆之拔  
扈。東陵之巨猾。皆爲匍匐逶迤。折枝砥痔。金膏  
翠羽。將其意。脂韋便辟。導其誠。故輸蓋所遊。必  
非夷惠之室。苞苴所入。實行張霍之家。謀而後



動。毫芒寡忒。是曰量交。其流五也。凡斯五交。義同賈鬻。桓譚譬之於鬪鬪。林回諭之於甘醴。夫寒暑遞進。盛衰相襲。或前榮而後悴。或始富而終窮。或初存而末亡。或古約而今泰。循環翻覆。迅若波瀾。此則徇利之情。未嘗異。變化之道。不得一。由是觀之。張陳所以凶終。蕭朱所以隙末。斷焉可知也。而翟公方規規然勒門以箴客。何所見之晚乎。因此五交。是生三釁。敗德殄義。禽

陷饗餐貞介所羞三覺也。古人知三覺之爲木  
懼五交之速尤。故王丹威子以櫓楚。朱穆昌言  
而示絕。有旨哉。近世有樂安任昉。海內髦傑。早  
綰銀黃。夙昭民譽。適文麗藻。方駕曹王。英特俊  
邁。聯橫許郭。類田文之愛客。同鄭莊之好賢。見  
一善則盱衡扼腕。遇一才則揚眉抵掌。雌黃出  
其脣。吻朱紫。由其月旦。於是冠蓋輻輳。衣裳雲  
合。輜輶擊轡。坐客恒滿。蹈其閭闕。若升闕里之  
堂。入其奧隅。謂登龍門之阪。至於顧盼。增其倍



價翦拂使其長鳴。影組雲臺者摩肩。趨走丹墀者疊跡。莫不締恩狎結。綢繆想莊惠之清塵。庶羊左之微烈。及瞑目東粵。歸骸洛浦。總帳猶懸。門罕漬酒之彥。墳未宿草。野絕慟輪之賓。藐爾諸孤。朝不謀夕。流離大海之南。寄命瘴癘之地。自昔把臂之英。金蘭之友。曾無羊舌下泣之仁。寔慕邠成分宅之德。嗚呼世路嶮巇。一至於此。太行孟門。豈曰嶄絕。是以耿介之士。疾其若斯。

同君饒饒然紉其寡  
論耳云也言上云也



盤戶曹集

卷全

三

登郁洲山望海

滄溟聯霄岫，層嶺鬱噴峒。下盤鹽海底，上轉靈  
鳥翼。溟渤非可辨，鵠浴信難測。輕塵久弭飛，驚  
浪終不息。雲錦曜石嶼，羅綾文水色。

自江州還入石頭詩

藝文作劉峻英華次  
元帝後而逸其名或

以爲元帝  
詩非也

鼓枻浮大川，延睇洛城觀。洛城何鬱鬱，杳與雲  
霄半。前望蒼龍門，斜瞻白鶴館。槐垂御溝道，柳



綴金堤岸。迅馬晨風趨。輕輿流水散。高歌一作唱

梁塵下。絙瑟荆禽亂。我思江海遊。曾無朝市玩。

忽寄靈臺宿。空軫及關歎。仲子入南楚。伯鸞出

東漢。何能栖樹枝。取斃王孫彈。

### 始營山居

自惜厭諠囂。執志好栖息。嘯歌棄城市。歸來事  
畊織。鑿戶闢嶢嶢。開軒望嶰峴。激水簷前溜。脩  
竹堂陰植。香風鳴紫鷺。高梧巢綠翼。泉脈洞杳

杳。充一作皮。下。不。亟。參。第。三。十。畏。思。泉。壑。也。制。

夜、請、和、山、詩、旦、吹、雲、霞、色、光、馬、六、龍、與、行、三、  
鳥、食、誰、與、金、門、士、撫、心、論、胃、臆、

### 出塞

薊門秋氣清，飛將出長城。  
絕漠衝風急，交河夜月明。  
陷敵擬金鼓，催鋒揚旆旌。  
去去無終極，日暮動邊聲。



漢書

卷之四

七

民思用刑金趙新發

世門好學市第對

山雲

月全世金同

本傳

劉峻字孝標，平原人。父琨，宋始興內史。峻生，其母攜還鄉里。宋泰始初，青州陷，魏峻年八歲，爲人所畧，至中山。中山富人劉實愍峻，以束帛贖之，教以書學。魏人聞其江南有戚屬，更徙之桑乾。峻好學，家貧，寄人廡下，自課讀書，常燎麻炬，從夕達旦。時或昏睡，焚其髮。旣覺，復讀，終夜不寐。其精力如此。齊永明中，從桑乾得還，自謂所見不博，更求異書。聞京師有者，必往祈借。清



河崔慰祖謂之書淫。時竟陵王子良博招學士。峻因人求爲子良國職吏部尚書。徐孝嗣抑而不許。用爲南海王侍郎。不就。至明帝時。蕭遙欣爲豫州。爲府刑獄。禮遇甚厚。遙欣尋卒。久之。不調。天監初。召入西省。與學士賀蹤典校秘書。峻兄孝慶時爲青州刺史。峻請假省之。坐私載禁物。爲有司所奏。免官。安成王秀好峻學。及遷荊州。引爲戶曹參軍。給其書籍。使抄錄事類。名曰



高才多被引進。擢以不次。峻率性而動。不能隨  
衆浮沈。高祖頗嫌之。故不任用。峻乃著辨命論  
以寄懷。論成。中山劉沼致書以難之。凡再反。峻  
並爲申析以答之。會沼卒。不見峻。後報者。峻乃  
爲書以序之。其論文多不載。峻又嘗爲自序。比  
馮敬通。居東陽。吳會人士多從其學。普通二年  
卒。時年六十。門人謚曰立靖先生。



平部平六十門人

馬道隱最東則吳會人士之於其學皆能二

為害以札之其簡文多不嫌知天嘗為自

並然中亦以答之會部卒不見刻對辨皆

以辭對簡本中山陽邵廷書以筆之八再

求國為高跡敢報之對不為所動以蘇將

高書之為何事對以不為所動以蘇將







